

Nuorttanaste  
maksu ovta  
kruvna jakko  
dagast, blad-  
de dinggu-  
juvvu juokke  
poasttarappe  
lutte.

# Nuorttanaste

Nuorttanaste  
olgušboatta  
guovte gerde  
manost —  
dam 15ad ja  
dam 30ad  
bæive juokke  
manost.

## Bajasrakadus- ja čuvvgitusbladde samidi.

»Gæča mon boadám farga«

»Leket maidai digis garvvasak.«

No. 15.

15ad August 1904.

6ad jakkodak.

### Dak vilgges biktasak.

Okta Bonar sarnin.

Lasse oudeb nummari.

Goalmaidassi: **Gost læk dak Ib-  
mela basek, ja maid dakkek si?**

1. Gost læk si? **Si læk Ibme-  
la truono oudast.** Maggar hærvas  
orromsagje! Mi gonagas šloataid æd-  
nam alde matta dam lagan læt? Mag-  
gar gudne, go mi alelassi oažžop  
čuožžot buok gonagasai gonasa tru-  
ono oudast. Ædnagak sist æi suittam  
maidege go si dabe ædnam alde vag-  
jolegje. Si legje vaivašak. Sist i  
læm datge, man vuollai si lifči mat-  
tam oaivesek sogjalattet. Muttomak  
sist legje suppijuvvum giddasaidi, æ-  
rak asse varrelegin ja ædnam-roggin.  
Mutto dal læk si ođđa Jerusalem  
gavpugest. Dal læk si ače dalos, gost  
manga orromsaje læk, si læk gonaga-  
sa loddamættom paladsain. Dal læk  
si ječa gonagasak kruonoiguim oivi-  
dæsek alde ja palmaiguim giedai siste  
Ibmel truono oudast. Maggar stuora,  
maggar arvedmættom, maggar audo-  
gaslaš nubbastus.

2. Maid dakkek si? **Si balv-  
vacek Ibmele bæive ja ija su tem-  
pel siste.** Si æi læk dušše gonaga-  
sak, mutto maidai papak nuftgo Mel-  
kisedek. Si læk alelassi Ibmel tem-  
pel siste **æige vuolge si dobbe goas-  
sege olguš.** (Alm. 3, 12). Si maid-  
nuk Ibmele alelassi. Si balvvalek su  
ija bæive, ja vel agalašvuottage orro  
sin mielast læme oadne su ramedet ja  
maidnot. Si æi læk nuftgo mi, guđek  
nuft farga vaibbat Ibmele balvvalæ-  
mest. Mi lavvip farga vaibbat Ibme-  
le maidnomest ja rokkadallamest sud-

nji. Mi vaibbat maidai bibala lokka-  
mest Mangasa mielast daida sodna-  
bæivve læt okta laitas ja gukkes bæi-  
ve. Muttomak æi gilla guldalet Ib-  
mel birra sardnoma ovta dimoge.  
Rokkadallet juo dadde, rakis lokkek,  
atte Ibmel addaši digjidi ođđa miela,  
Kristusa miela, mi oapata æccet dam,  
mast dat æppeoskolas batara, nama-  
lassi Ibmele basse datto ja særvve-  
vuoda suina. Dam stuora vilgges  
joavko lavla čuogja alelassi navt:  
**»Basse, basse, basse læ dat Hærra  
Ibmel buokvægalas, gutte læi, gutte  
læ ja gutte boattet galgga!«** Mi arv-  
vedep dast, atte dak, guđek eccek  
mailme jo læk vaibbam Ibmel balv-  
valæmest, æi mange lakkai matte  
heivvit albmai. Lokke guoratala, læ-  
go dust illo Ibmel sist.

Muttom ibmelbalolas miššonæra,  
Daved Brainerd, gutte evangelium  
sardnedi Davve-Amerika Indianari  
gaskast, muittala ješ, atte go son rub-  
mašlažat vaibbam fertti vuoinadussi  
mannat, læi son morrašest damditi go  
son i mattam birgget nakkartaga, ja  
son oadđemes diti heittujuvvui rokka-  
dallamest Ibmele ikko. Moft læ dui-  
na lokke rokkadusa harrai.

3. **Ibmel assa sin særvest.**  
Son, gutte truono alde čokka, čokke  
sin buokaid biras, dego okta ače æk-  
kedes čokke su manaides su ječas  
birra. **Si læk Hærra lakka alelassi.**  
Si legje galle abmasak ja guosse-  
k dabe ædnam alde; mutto dal læk si  
sidast Ibmel lutte. Su hærvasvuoda  
si gæčadet, ja si læk devddujuvvum  
su rakisvuodast. Si oidnek su muo-  
đoid ja su namina læ sin galloi alde.  
Igo dust, lokke lifči hallo boattet dam  
hærvasvuoda ædnami?

4. Man si dadde læk audogasak.

»Audogasak læk dak jabmek, guđek  
Hærra siste jabmek.« Sin vagjolus  
læ loappam. Dak boares dingak læk  
vassam. Dalvve læ mædda mannam,  
gæsse, dat agalaš gæsse læ boattam.  
Buok dat, mi bačča læi, maid si dabe  
ædnam alde ferttigje gillat, muitek  
si dal dušše dego niego čada, ja dat  
muito sin audogasvuoda laseta, čala  
cælkka: **»Si æi galga nælgot æige  
goikkat šat.«** Dabe legje si davja  
nælges ja goikost; dabe legje si raše  
ja vaibbas. Mutto buok gillamušak  
læk dal vassam. Si læk boattam dam  
ælle Ibmel gavpugi, dam almalaš Je-  
rusalemi, mi dal læ sin audogas sida.  
Si boratuvvujek dal ællema muorast,  
mi gasko Ibmel paradias læ. Dam  
čikkujuvvum mannast ožžuk si, ja si  
jukkek ællema agjagest. Vuoi dadde,  
maggar nubbastus! Si læk stuora vai-  
ve čada dokko boattam. Dego Paulus  
matte si cælkket: **»Bargoi ja vaivi  
siste, davja igjagocem siste, nælge ja  
goiko siste, davja borakættesvuoda sis-  
te, čoaskema ja alasvuoda siste. Mutto  
dal æi dieđe si, maid galggek cælkket  
Sin moraš orro dal, atte dat læi oad-  
ne, ja dat i boade sin ala šat goasse-  
ge.**

Okta ucca nieidaš vællai okti  
jabmensængast. Su ædne læi sudnji  
muittalam, atte go son jabma, de bæ-  
sa son albmai Jesus lusa, ja go nieid-  
da jabnema čoaska dæno sisa algi  
loaidastes, su juolgek legje juo gal-  
mogoattam, de cælkka son ædnasis:  
**»Mamma, mon oainam ovta čabba  
gavpuga, lægo dat alme?«**

»Læ galle manašam,« vasteda  
ædne.

»Mon oainam ovta hærvas kruo-  
no, lægo dat mu?«

»Læ galle,« vasteda ædne.

»Mon oainam ovta čađa čuvvgis olbma, son baitta dego bæivaš, lægo dat Jesus?»

»Læ galle,« vasteda ædne.

»Ædne bajed mu dal bajebuidi mon aigom vuolgget,« celki nieid-da ja de rotti son hægast.

Lasetuvvu.

## Kruvdno, mutto æi nastek.

Okta niekko, vai mi?

Vaibbam legjim saggarak mu bargostam ja ædnag morrašigum big-jem mon oadđet. De dappatuvai mudnji juoga ibmašid. Go mon dam sevdujis ija jaskadet vëllajim mu sængam siste, oroi mu mielast dego okta engel čuogjeles jienain namati mu nama. Mu oadđemladnja oktan-manost čuvgodi dego buok šærradæ-mus bæivašest. Mon orrom dovddamen, atte juoga guoskaldatti mu, bovti mu bajas ja savkkali navt:

»Lika bajas ja čuovo mu!»

Mon dovddim ječam bajasbaje-duvvumien, ja moai guđine ædnama ja girdime aimo čađa muttom dinga vuostai, mi læi dego ueca čuovggaš. Moai bođime dam ahnalaš hærvas-vuođa lagabuidi ja lagabuidi. Dat čuovgai su jaskes, buttes čuovgaines monno gæino alde. Mon im sattam ærago imaštallat ja oudošet dam jaskadvuodast. Moai jođime alelassi vidasæbbo. Im mættam mon arvvedet, mi doalvoi nuft jottelet aimo čađa.

Ja de fuobmajim mon fakkista-ga, atte mu biktasak legje nubbastuv-vam. Mon guddim dal vilgges bikta-sid. Moai ollime dal muttom gavpug ouddi, man sæinek (muvrak) legje i-mašlažat gæčadet. Moai manaime por-tai čađa mak legje dakkujuvvum suonjardægje pæralest, ja de bođime moai gavpug balgai ala, mak baitte dego buttasæmus golle. Bæivaš ja manno æva galle baittam dobbe. Dak gavpug i darbašam sodno čuovga; dastgo Ibmel hærvasvuotta čuovgai dam siste, ja Jesus Kristus dat Ibmel labbes, læi dam čuovgas. Engelak vazzašegje balgai alde, ja liggosæmus musika devdi aimo su čuogjamines. Basse olbmuid garvvotuvvum vilgges biktasi sisa šelgis kruvnoigum oaive alde oidnim mon dobbe. Si legje dokko boattam buok ædnam guovloin. Sin særvest oidnim mon ædnagid,

gæid mon ædnam alde legje rakistam, ja buokak dak čoagganegje truono ouddi ja lavllo: »Labbes aivestassi læ gelbolaš vuostaivalddet buok gud-ne ja maidnoma.»

Mutto čabbasæmus buokain, maid mon oidnim, legje mu bæstam suonjardægje muođok, ja go mon gæča-stagaidam jorggalegjim su vuostai, mojtalai son mudnji lađđat ja rakis-lažat. Mon luottadim čibbidam ala ja rokkadallim sudnji.

De jærrali son must usteblaš jienain: »Gost læ du naste, dat mav-solaš gæđge, mi du kruvnost baittet galgaši? Gæča dai ala, guđek du birastattek, buokak si guddek kruv-noid, mak læk hervijuvvum čuvvgis nastiguini Juokke sielo oudast, maid si mu lusa læk dolvvom, læk si ož-žom ovta mavsolaš gæđge sin kruvd-noi. Mon galle dieđam, atte don oskok mu ala ja læk must vuostaivald-dam agalaš ællema; mutto naste vailo du kruvnost. Maidai dudnji lifči čab-basebbo oasse boattam, jos don æd-nam alde lifčik soames sielo mudnji dolvvom. Du vagjolus lifči berrim čuovggat nuftgo šerres ja basse čuov-gas dai æra almai vagjolegji balga alde, mi agalaš vuoinadussi doalvo. Don legjek buristsivdneuvvum valljo-gasat, danditi lifčik don berrim læt buristsivdnadussan maidai æraidi.»

Oainatus javkai mu čalmi ou-dast, jiedna maid javotuvai, ja mon vëllajim dast imge orrom mastege diettemen. Go dasto vinag ided čuovg-gagođi, geččim mon birram ja imaš-tallim dam, maid legjim oaidnam ja gullam. Mon likkim bajas — ja čir-rom — čirrom ilost, damditi go vela legjim ædnam alde. Must læi vela aigge čajetet mu oskom dagoidam ja evangeliumbargo siste, vela sattim mon soames suddolažži muittalet Je-sus Kristus rakisvuoda birra, mi su baggi jabmemi. Vela sattim mon vaibbam sieloidi čujotet gæino almai.

Mu siste læi dal jiedna, mi celki: »Dal ik galgga šat ællet dušše ječad diti, mutto šu diti, gutte læ jabman ja bajasčuožželam min buokai oudast.»

**Lokke, lægo du kruvdno nasti-guim horvvijuvvum?**



## Bæiddoluokka ja Storraide.

Lossaden šadda čiekčat

sæčagasa vuostai.

Muittali „Cammilla.“

Lasse 11ad nummari.

Grannak galle maidai dasa čoag-ganegje, mutto æi sattam maidege væke dakkat, si dušše oidne daid ođ-đa duššadumid, mak fast manne Ola-us bagjel.

Torkel ja dak ærak Bæiddoluokast maidai čužžu ja ibmašin jerre ješaldesek: »Manditi fast daggar duš-sadubme?»

Likkotesvuotta læi galle stuores, mutto riehta guoratallujuvvum, lifči Olaus berrim ilost læt ja gittet dam oudast go i šaddam vel verrep, jos si lifči moadde minutta vela gukkeb oadđam, de lifči si buokak læmaš jabmema oaffarak; mutto dal legje si buokak gagjujuvum.

I læm vel oktage jurdašam vai-vaš olbma ala. Torkel læi dat vuostas, gutte jœrai su birra; mutto i læm ok-tage oaidnam su, ja go Olaus muitali atte son læi lađost, de si arvva-legje, atte son fertte læt buollam; mutto Olaus dam i jakkam, sust legje su ječas jurddagak dam birra.

Go son muiti jievtaš gævatusa smakkomuora guorast, arvvaladdai son atte vaivašlatto læ dola cakketam ba-hai mavsatallam diti, ja gal son mor-raš læ adnam ječas bæstet.

Olaus muittali dasto daidi, gu-đek su birra čužžu jievtaš mænno-du-sa ja daggo bokte bovti son fast grannai muittoi dam likkotes husman-bærraša olgussuppema, man birra ov-ta aige nuft ollo læi sardnujuvum. Jakkettatte læ, atte Olaus jes dam mænno-dusa burist muiti, ja vaiko son galle i lifči dattom, fertti son almake guorraset, atte dat læi vanhurskesvuoda gietta, mi dal læi su gidda doppim.

Vaivan Olaus rieppo, son læi gukka gæččalam čiekčat sæčagasa vuostai, mutto gæča, Hærra mati al-maken čajetet sudnji, atte dat i væke-tam, ja dal i læm šat farga mikkege, maina son lifči mattam vuostaičuož-žot. Mi læi dal dat ješvaldalaš Stuo-ratide? Mi læi dal baccam dam stuo-ra obmudagast, mast son lavi čævla-stallat? Gost læi dal dat stuora čab-ba baikke dai ollo husmanædnami-

guim? Gost læi dal dat sagga maid-nujuvvum stuora millo ja dat burist devddujuvvum lađok, navet ja aittek?

Gost legje buok dak?

Gi læi valddam daid?

Dat gačaldak læi, mi galle cœdnagi lutte bagjani, go si dast čužžu ja duššadume gečče.

Go si legje dast čuožžomen ja gavkkamen dai buolle bacatusai sisa, ožžu si gullat ovta lavllo jiena dobberidest bagjen. Buokak šadde ibmaši ja guldalesgotte, mutto si æi mattam sanid gullat, dastgo dolla ruški ja ruočai ain.

Vela læi igja, ja lavla ija aige, erinoamašet daggar dappatusai vuolde i lave læt davalas.

Go læi vimag dolla jaddam, gulle si fast dam sœmma jiena, ja muttomak vel arvvaalegje, atte si gulle sanid, ja si celkke atte dobbe čurvvujuvvu Kare, Kare. Dal arvvedegje si buokak, atte dobbe i læm oktage æra go dat jallas vaivašlatto, gutte ridest elosti, ige læm gukka dam rajest oudal go son lavllo vuolas bođi. Su lavla læi dat davalas: »Vaivan buocce Kare rieppo, vaivan buocce Kare dadde.« Ja dam lavlagi legje buokak daggo birrasin oapasmuvvam, nuft atte dat i læm šat sin mielast imaš.

Mutto go dat jallas vaivašlatto oažoi Olaus oaidnet, de i orrom šat lavla Kare birra heivvemen. Son oktamanmost javotuvai, gaski banides okti ja gavkai bastelet Olaus ala.

Olaus doargesti atestusast, mutto gæččali almaken dam čiekkat nuft burist go sati. Duon jalla gævatus læi dal æmbo go davalazat duodalaš ja suorgatatte.

I oktage cœkkam maidege, mutto buokai čalmik legje jorggaluvvam dam guovto vuostai.

Oanekas boddog legje si buokak javotaga. Mutto fakkistaga algi dat jallas vaivašlatto sardnot dego okta jierbmalaš olmai čuogjeles ja čielgga jienan, son celki: »Olaus, odne læm dat mon, gutte du olgus-ajam; mutto 6 jage dast oudal agjek don mu. Du akka ja du manak læk dærvasak, mutto mu akka ja mu manak vællajegje jabmensængast. Mon rokkadallim dust čabbat væhaš aige vela vuorddet oudalgo don mu olgussuppek, mutto don mu ik guldalam. Don ik læk goassege must dam birra rokkadallam, damditi oažžok don dal

gæččalet, man lakai dat maisto atte sirddet, go dust i læk gosa sirdak.

Dat læi muddad dudnji, Olaus.«

»Valde su gidda, doppe sul« gullui Olaus čuorvvomen, mutto i læm oktage, gutte gieđas bijai duon jallas vaivašlatto ala. Oroi čajetæme dego si buokak duottan adne olbma sardnoma; dastgo si čielggaset ibmerdegje, atte dast i læm dušše okta davalas likkotesvuotta, mutto dam vanhurskesmættoma rangaštæbme. — »Vaibmolađesmættom duobmo galgga dam olbmu bagjel mannat, gutte vaibmo lađesvuoda i daga.«

Dat duottavuotta oroi dal ječas nannemin Stuararidest.

Go vaivašlatto læi gærggam sardnomest, algi son sivost vazzašet ride vuostai fast. Daina sanin maid son sarnoi læi juoga vaimolikkatatte ja baldetatte, ja buokak dovdde dam boddost væhaš atestusa ja suorgatusa; dastgo sin mielast oroi læme, dego si lifči čuožžomen diggevittanen Hærra rievte oudast, gost i aivestassi duobmo celkkujuvvu, mutto maidai ollašattujuvvu.

Go si dast čužžu ja gečče gutteguoimesek ala, gulle si fast dam jalla dobbe bagjen dieva alde čuorvvomen: »Olaus, Olaus!«

I oktage vastedam.

Son fast čuorvoi: »Olaus, gosa læk don Kirste bigjam? Muittakgo don dam?«

Dak sanek Kirste birra muittoi bukte muttom saga, mi muttom jage dast oudal læi læmaš sardnodamavnasen ædnagi gaskast.

Kirste læi ovta nieida namma, gutte halvvali Olaus lutte, ja dobbe celkkujuvvui, atte gaskavuotta dam nieida ja Olaus gaskast, læi læmaš æmbo go læ soabalaš; mutto dam birra i duostam oktage alladet sardnot.

Dat sœmma Kirste javkai hui fakka Stuararidest, ja dat læi buok oudulæmus, atte i oktage diettam, gosa son læi mannam. Stuararidest dušše dam muittalegje, atte son læ vissa joavddam jotte farkai (sekõineri) særvvai, ja maŋnel i læk mikkege gullum su birra.

Dam birra šaddai diettalassi ollo sardnom grannai gaskast, ja legje galle datge, guđek dobbe hilljad arvvaladde, atte duot nieida fakis javkam matta duokkenes čiekkat ovta hirb-

mos bahadago.

Lasetuvvu.

Dam nummar rajest boatta muittalus Bældoluoka ja Stuararide birra juokke nummarest, nuft gukka go dat bista. (Red.)

## \* \* \* \* \*

# Gukken ja lakka.

## \* \* \* \* \*

### Afrika jotte Stanley,

gutte muttom aige dast oudal læ jabman, maŋneses guođđa obmudaga ja ruđa 2 million ja čieča čuođe kr. oudast.

### Dam stuoremus gollēlasta,

maid guttege skipa læ buktam Engelandi, buvti okta stuora dampa Bombayest. Dat buvti golle mieldes 18 million kr. oudast.

### Okta hirbmos

ædnamdoargastus læ gieskad læmaš Persiast. 350 olbmu læk jabman, ædnagak sarjaduvvam ja 184 teppenfabrika læk duššaduvvam.

### 8000 hœstain,

mak Boarsoađe aige saddijuvvujegje Ny-Zelandast Lulle-Afrikai, baci dušše okta ollet.

### Min ædnamest

ožžuk 174,000 olbmu væke vaivaškasast. Daina læk 80,000 olbmak ja 94,000 nissonak ja manak.

### Maŋemus olmušlokkam

Islandast čajeta, atte dobbe gavdnujek 78,480 assek. Juokke 1000 persovnast læk 479 olbma ja 521 nissona ja manna.

### Bagdadest

læ hirbmos koleradavdda, dobbe jabmek čuođe olbmu bæivest.

### Spaniast

læk gieskad gavdnam ædnag golle lakka oaivvegavpuga, Madrid.

### Raddedavdast (terigest)

jabmek juokke bæive min ædnamest 17 olbmu. Dat šadda 6000 jagest. Dal læk arvo mielde 20,000 terigbuoccek min ædnamest.

### Nürnbergast,

Tuiskaædnamest gavdnujek 23 blyantfabrikka, guđek oktibuok darbašek 10,000 olbmu bargost adnet, ja juok-

ke vakkost garvejek dak 4,300,000. Dušše Johan Fabers fabrikka garve ovta million blyanta juokke vakkost.

### Turkalažak

læk fast alggam sin boares gietta-duojesek sorbmit kristalaš armealažai, erinoamašet nissonid ja manaid.

Europa stuora famok diettalassi dalge nuftgo oudal dam duddok gæččat.

### Fredrikstad

gavpugest læ læmaš stuora buollem. Okta fabrikka, Bjørneby bruvka læ buollam 600,000 kr. oudast.

## Soatte.

### Ei ibmer ješgutteg guoimesek.

Okta bæggalmas ruošalaš čalle soađe birra muittala, atte dak ædnag soaltatak, mak læk čoggujuvvum dam vides Ruošarika birra æi ibmer officera komando, erinomašet dak officera, guđek læk boattam Petersborgast ja daina birrasin æi ibmerduvvu olenge kosakarin.

Port Arthur birrasin læ læmaš soatte bæivalažat, moft læš mannam dam æi dieđe. Dille Port Arthurest i galga læt bahage. Muttomak arvvalæk, atte dobbe galgga læt borramuš golma jakkai.

Ruoša kæisar læ gieskad ožžom barne, dak 4 mana, mak sust oudal læk læmaš læk buokak læmaš nieidak.

Dat poasta maid Ruošalažak valdde dam tuiskalaš poastadampast »Prinz Heinrichast,« læ dal buktujuvvum Nagasaki Japani ja dobbe læ čadageččujuvvum engelas, tuiska ja franska konsulast. Si gavdne, atte ædnag rekomanderijuvvum ja æra brævak villo.

Dat darolaš blađde »Avisen« čalla soađe birra navt:

Fasten orro čajeteme dego gukkes aiggai i lifči mikkege datuvvam soattebaikest.

Manditi Japanesalažak ajatallek boattemest daina nuftgoččujuvvum oaiivvešlagain i læk buorre diettet. Port Arthur birrasin sottujuvvu bæivalažat, ja Japanesalažak vuittek alelassi æneb ja ceneb kanonaid, mutto oainos læ, atte ladne læ nanos ja Ruošša ibmerda soattat. Vakko dast

oudal legje juo Japanesalažak nuft lakka Port Arthur atte si gavpug bagjel baččalegje skipai ala havnast, damditi æi duostam ruošalaš skipak šat gukkeb havnast, orrot ja damditi šadde guokte stuora mærrasoađe.

Go dak ruošalaš soatteskipak æi duostam gukkeb Port Arthur havnast orrot ferttijegje dat dam maņemus gæččalusa dakkat ječasek ovtastattet daid ruošalaš soateskipaiguim, mak legje Vladivostokast.

Arad iđedest bajedegje dak soateskipak Port Arthurest ankora ja bigje kursa appai, dak legje dalle 6 šlagaskipa, 5 krydsera ja 8 torpedo-dampa.

Dat buoremus daina ruošalaš krydserin, »Bajan« dæivai havnast olgusmanadedines ovta mina ala ja fertti damditi jorggalet fast hamani stuora vahagin.

Japanesalažai flaata læi dalle gukken abest. Muttom krydserak aito oidnujegje, mutto šlagaskipak ja dak stuoremus krydserak legje nuft gukken abest atte æi oidnum, dak gaddemusak almaken fuobmajegje Ruoša soateskipaid ja dak signaliserijegje daidi, mak legje favllelin, ja si algge doarredet Ruoša.

Go rekenastujuvvujek dušše šlagaskipak ja dak mađohas stuora panderskipak læi fabmo ovta mađe guktoi belin.

Ruošalažain legje 24 gappalaga 30 centimeter kanonak ja 75 gappalaga 15 centimeter kanonak, ja Japanesalažain legje 18 gappalaga 30 cm. kanonak ja 16 gappalaga 20 cm. ja 76 gappalaga 15 cm. kanonak. Mutto jos krydserak rekenastujuvvujek mielde, de gartta fabmo sagga stuoreb Japanesalažai bællai.

Dam mærrasoađest, mi dast šaddai tapi Ruošša fastet. Ješ admiral-skipa »Cesarevitsj« illastuvvui nuft fastet, atte dat fertti daina æra Ruoša soateskipain guđdujuvvut, ja dat oaiivvamuš admiral, Vithøft, sorbmijuvvui. Dat skipa ja moadde krydsera gagjujuvvujegje Tsintai, ni gulla Tuiskariki. Krydser »Askold« ja muttom uceeb dampak botte Shanghaii, ja dobbe valddujuvvujegje værjok erit. 4 šlagaskipa ja muttom smavebak botte Port Arthuri.

Gosa dat guđad šlagaskipa læža joavddam, dam æi dieđe. Okta ruošalaš torpedoduššadægje, »Resjitelni,«

šaddai maņpel go dat 24 dimo legje vassam, mi læ dat mærreduvvum aigge soattevaš famoi soateskipaidi orrot raffhalaš ædnam mærast, valddujuvvut Japanesalažain kinesalaš havni.

Ruošalažak čurvvuk dal, atte Japanesalaš læ soattelaga vuostai mænnotam; mutto Japanesalažak vuostainaggijek dam. Sæmma aige legje maidai dak ruošalaš soateskipak, mak legje Vladivostokkast lakkanam nubbe guovlost, ja dal vimag oazoi dak japanesalaš admiral Kamimura soattagoattet su dam aige ragjai oainemettom vašalažaines. Dat rido čuožoi Koreanuorest.

Maidai dast manai hæjot Ruošalažaiiguim. Krydser »Rurik« baččujuvvui nuft atte vuojoi, ja dak æra soateskipak ferttijegje bataret ruoktot Vladivostokki garaset vahagattujuvvum, æige si sattam gagjot olbmuid dam vuogjo soateskipast. Japanesalažak algge dasto gagjombargo, ja si gagjo 600 Ruoša. Dat læi čabba dakko Japanesalažain. Mi muittap galle dam fastes mænnotusa Ruošast dallego son vuogjodi japanesalaš suvddendampaid ja duhati mielde Japanesalaš soaltati difti hævvanet.

Dat maņemus soattetelegramma, mi læ min ragjai ollin, oudal go dat nummar prentijuvvu, muittala, atte dal læ Japanesalaš duottavuodast alggam Port Arthur stoarmedet.

### Darvnotai

samidi sadde okta studenta Kristianiast, namas son i suova muittalet, vissa son læ okta stud. theol., gutte, jos sust ællembæivek læk, gærde šadda occat pappamata Sameædnamest. Son lokka ječas ollo arvost adnet samid.

### Gieldapappa

G. Tandberg Lagesvuonast, gutte læ burist dovdos samidi, oidnu dal occamen aldses Stjördala kappelanammata lakka Troandema.

### Oabmedikšomskuvlla

algga fastain 14ad oktober Nyborgast Varjagest.

### Mærkesuvvum dorskek.

Oažžom diti diettet, gosa dorske vagjola mærast, læ guollebivddemstivrretus mærkasam arvad dorskid, ja luoittam fast meri madden Norgast. Mærkka læ 4 centimeter gukkosaš silbastrænga, mi læ bigjujuvvum guole nirri. Juokkehaš, gutte heive goddet daggar mærkašuvvum dorske, galgga saddet mærka assistenti Knut Dahl, Risør. Juokke sisasaddijuvvum mærka oudast maksujuvvu 2 kruvna.

»Nuorttanaste« čalle, pretejægje ja olgusadde læ G. F. Lund, Sigerfjord, Vesteraalen.